

د. عز الدين الكومي يكتب : كشف الأسرار والخوف من الأشرار



الأحد 10 مايو 2015 12:05 م

بقلم: د. عز الدين الكومي

بعد مشروعات قائد الانقلاب الفكنوش ورباعية مفيش ومش قادر أديك وهاتكلوا مصر يعني وانتوا مش عافين إن انتوا نور عيننا ولا أيه وفي خطاب جديد لقائد الانقلاب وهو يتحدث عن إنجازاته الكثيرة التي لم يسلم منها أحد من أبناء الشعب من غلاء الأسعار والانفلات الأمني ورفع الدعم والناس الذين يأكلون من صناديق القمامة وانقطاع الكهرباء وأزمات الوقود وقهر وظلم الشرطة للشعب قال: مش عايز أتكلم كتير عن المشروعات إللي بنعملها عشان الأشرار

والحقيقة لم نكن نعرف من هم الأشرار الذين تحدث عنهم قائد الانقلاب ويخبي المشروعات ويذاري عليها منهم عملا بالحكمة القائلة - دارى على خبيتك تبيض- وبفينا في حيرة من أمرنا لأننا كلنا خافين من الأشرار الوحشين إلي عايزين ياكلوا مصر وهي يتموت يا حرام؟

حتى تطوع الانقلابي تامر بن أمين سود الله شاشته وحشره في استديو مظلم وقام بشرح مصطلح الأشرار والشريرين حيث قال :إن المشروعات التي سبقتها الحكومة لإدخال البشرى على المواطنين تم قتلها بسبب الإعلام وأضاف تامر بن أمين في برنامجه من الآخر والمذاع على قناة روتانا مصرية أن بعض الأشرار الذين تحدث عنهم الشتلاند في خطابه الأخير هم بعض الإعلاميين وبعض الساسة وتابع: هناك قاعدة معروفة لإجهاض المفاوضات والمشروعات وذلك عن طريق تسريبها للإعلام قبل البداية فيها وبعد ما سمعت الخطاب وتفسير تامر بن أمين لمعنى الأشرار إللي خايف منهم قائد الانقلاب فأنا أطالب النظام الانقلابي بأن يقولوا اللهم صلي على النبي -صلى الله عليه وسلم - مع كل مشروع عشان المشاريع بتتחסد وتفتشل بسبب الأشرار كما أطالبهم يحطوا على كل مشروع خرزة زرقا وحدوة حمارأو سيسي وفردة ببيادة ميري بتاع ضابط في حرس الحدود وخمسة وخمسة ويعملوا زار بلدي وخشبة من صندل غرقان وشعريتين من الحمار إلي كان في المطار ويحرقوا حصير قدام مقام أم العواجز ويوزعوا على المساكين رز باللبن ومية بالفوسفات وسيخ عبد العاطي عشان يطرد الأرواح الشريرة وبكدة نغيظ الأشرار ونغيظ الإخوان ونحافظ على المشروعات

كما أطالب المجلس العسكري والنظام الانقلابي لما يفتتحوا أي مشروع فكنوش زي مشروع المليون وحدة وقناة استاكايوس والعاصمة الفكنوشية الجديدة ومشروع المليون فدان وعربات الخضر لازم كل المجلس يلبسوا طاقية لخفي عشان الأشرار ميشوفوش المشروعات ونرش عليها ملح ونبرها ونغطيها لغاية ما المشروعات تخلص

لأنني عرفت أن الأشرار عندهم خطة جهنمية وناوين يقتلوا العمال اللي هتتنفذ المشروعات أو هتفجروا المشروع قبل ما يتبني ويكمل أو هيدعوا ان المشروع ميكملش أو يعملوا واحد زيه قبل جيشنا الباسل وهيزعوا بامية لأنه عرفوا أنه الجيش بيزرع ملوخية ويرفعوا الأسعار على الناس الغلابة ويستفيدوا من المشروع بتاعهم ويكسبوا ملايين وأنا عارف أنه الجيش عامل كام مشروع على جنب ومخيهم كدة ومداري عليهم عشان مصر محسودة واحد ضربها عين ودة يمكن يآثر على الأمن القومي

وأنا فعلا مش مطمئن للموضوع دة وانه احنا لازم نروح للشيخ أبو حمار يعمل حجاب لكل واحد في المجلس العسكري ويعلقه في صدره أوويله ويشرب المية لأنه باين حد من الأشرار الوحشين عاما عمل للمجلس العسكري والعمل دة مدفون في رفح وأنا بدأت أصدق كلام تامر ابن أمين لما اتكلم عن الأشرار فاكرين يا جماعة لما جريدة الدستور قالت مصر ستصبح أقوى دولة اقتصادية في الشرق الأوسط في غضون شهور قليلة فعلا الأشرار حاقدين على ماسر وخايفين تبقي قوة اقتصادية كبيرة عشان كدة بيعطلوا المشروعات الكبيرة والصغيرة والمتوسطة

ولو عايزين تبشروا الشعب بالمشروعات الكبيرة إلي ملاية البلد بلاش تقولوها في التلفزيون عشان الأشرار متربصين بالبلد تقولوها للشعب في ودنة عشان الأشرار ميسمعوش اللهم لا حسد وخمسة وخمسة في عيون كل الأشرار